

# مُتَابَعَاتُ الْقُرْبَانِ

۱۳۲۶

محل اداره :  
 درسمادنده باب عالی جاده سنده  
 اداره مخصوصه

مسئله مزه موافق آثار جدیده مع المنونیه قبول اولنور  
 درج ابدله بن آثار اعاده اولغاز

انظار :

دین ، فلسفه ، ادبیات ، حقوق و علوم دن باحث هفته لوق رساله در

مؤسسه : ابوالعلا زین العابدین - ح . اشرف ادیب

سنه لکی	التی آیلنی	درسه دنده
۶۵	۳۵	ولایاتده
۸۰	۴۰	ملک اجنبیه ده
۸۰	۴۰	

درسمادنده نسخه سی ۵۰ پاره در

قیرله دن مقوا بورو ایله کوندریلیرسه سنوی  
 ۲۰ فروش فضله آلنیر

تاریخ تأسیسی :  
 ۱۱ نوز ۳۲۴

درسمادنده بوسته ایله کوندریلیرسه ولایات بدلی اخذ اولنور،

برنجی سنه

۲۷ محرم ۳۲۷ پنجشنبه ۵ شباط ۳۲۴

عدد : ۲۶

حواس خمس ظاهره بواجباجاتی دفعه و حیاتی حفظه مدار ایهده انسان یا لکنز کندی حواس ظاهره سیله هر مطلوبی استحصاله و هر مضرتی دفع وازاله به موفق اوله من . بو باده هم جنسک معاونه دخی محتاج اولور . کرک نافع و کرک مضر بالذات کندیسنک احساس ایده مدیکی شیرلی بر منبع صدقندن استماع واستخبار ائلك مجبوریتنده بولنور . چونکه کاذب اولان بر کیسه - بعیدی قریب ، قریبی بعید ، نافی مضر ، مضری نافع صورتنده کوستردیکی ایچون - بر واسطه جهالت و وسیله ضلالت و معین شقاوتدره اوله ایسه « صدق » صفتک دخی وجود انسان ایچون بر رکن رکن و بقای نوع بشر ایچون بر اساس رصین و بین الاهالی محبت و مناسبتی تحکم و تقویه به بر سبب متین اولدینی و بنسأ علیه کرک الفت مدنیه و کرک الفت منزلیه نك آنسز تحقی غیر ممکن بولندینی دخی ثابت اولدی .

موسی کاظم



### رد اباطیل

باکو اهالی اسلامیه سندن واوراده منتشر [ حیات ] غزته سی محرر لرندن طالب زاده اخوند یوسف [ حقیقت اسلام ] نام بر اثرنده تورات و انجیلک دوچار تحریف اولدیفنه و قرآن کریمک هر درلو تحریفدن مصون بولندیفنه دأر بر ابحاث ائمش بونک اوزرینه امیر خان نامنده بر عالم نصرانی چیقوب اخوند یوسفه خطاباً و او اثره مقابله [ تورات ، انجیلی تحریف یوقسه قرآن ؟ ] عنوانلی برساله یازهرق بورساله نی بتون بلاد اسلامیه نشره باشلامش و بونک بر نسخ سیده یدمره واصل اولاشدر .

شو عنواندن دخی اکلاشیدینی اوزره امیر خان بورساله سنده حاشا قرآنده تحریفات اجرا ایدیلدیکنی ادعا ائمش و بودعواسنه بر چوق روایات تاریخیه و آیات قرآنیه و بعض احادیث شریفه ایله استدلاله یلتمش و بومیانده قرآن حقیقت بیانمزک شان عالیترینه اصلا یا ایشیمیا جق بر چوق تفوهات باطله به دخی جرئت ائلمشدر .

اعلامی اسلامیه طرفندن بوکا قارشو مدافعه نامئر یازیلهرق بونک شدتله رد اولنه جنی درکار ایهده اوله بر خدمت مقدسه به اشتراک فکری بزده دخی غلیانه کلدیکنندن بورساله نی اوقور او قوماز همان الیه قلبی آلوب امیر خان جنابلرینک رساله مذکور سندنکی او دعوا ی باطنی انبات ایچون سرد ایتدیکی استدلالات واهی سنی و تفوهات غیر لایقه سنی بروجه آتی زده شروع ایلدم . توفیق الله یندر .

موفق اولور لر . کورلزمی که بر معلم اقران و امثالندن درسجه کری قالمش بولنان بر شاگردینی : « اقران و امثالکدن صگری قالمغه اوتانیمور میسک ؟ » دیه نصل توبخ و تکدیر ایدر . اگر حیادنیلن خصلت حسنه اولسه ایدی نه بوتوبخ و تکدیرک تأثیری اولور ، نه ده بر کیسه بی علم و فضیله دعوت ایچون یول بولنور ایدی . بنسأ علیه بوسجیه عالیه نك مرجع معالی و منبع فضائل نامتناهی اولدینی تعین ایلدی .

برده بو خصلت حیادن عاری بر قوم فرض ایدلم : عجیب بزانلرده فحشیات ظاهره ، منافسات علانیه ، غلظت طبیعیه و مساوی اخلاقیه دن ، خسائس اموره و ردائل شونه انما کدن ماعدا نه کوره بیایرز ؟ شهوات بییه لرینک کندیلرینه غالب کلمسی و صفات حیوانیه لرینک اراده و اختیار لرینه مالک و هر فعل لرینه مسلط اولمش بولنمی کندیلرینک شاعت و دناشلرینه بر برهان کافی اولزمی ؟

خصائل مذکورده دن ایکیجیسی دخی « امانت » در . امانت امین اولوق ، بشقه سنک ان واعتمادینی قزانمق ، یعنی کندیسنده اصلا خیانت بولنمق معناسنده در . بدیهیدر که نوع انسانک بقای ایچق معاملات و معاونات ایله اولوب روح معامله ده آ ایچق امانت کامله و امنیت تامه ایله حصوله کلیر . اگر امانت فاسد اولور ایسه معامله ده فاسد اولهرق اصول معیشت بتون بتون باطل اولور . بوایه نوع بشری سریع بر زواله ایصال ایدر . اوله ایسه تبین ایتدیکه امانت خصلت شریفه سی دخی بقای نوع انسانک بر علت مستقلمه سی ، بر اساسی منزله سنده در . بسط بساط رفاهیت ایلیان و عدالته روح و جسم و یرن دخی ایچق اوسجیه شریفه اولوب آنسز برشی حاصل اولوق احتمالی یوقدر .

ایجاب ادیانده بولنان خصال ممدوحه نك او چوبیسنه کلنجه اوده « صدق » در . انسانک بر چوق احتیاجلره ، بر چوق ضرورتلره معروض اولدینی درکاردر . ابواب احتیاجنی سد و اسباب ضرورتی دفع ایدر . جک شیر ایسه وراه پرده خنده مستور و تحت حجاب غیبده مکنوندر .

چونکه انسان بیلدیکی بر عالم غیبدن وینه بیلدیکی بر عالم شهوده کلش و ابتدای نشئنده تنها بر زاویه ده ، مظالم بر کوشده عزت نشین اقامت اولمده بولنش اولمغه نه بر کیسه نك استمی بیلیر ، نه ده بر شینک رسمی طایر . انسان بویله کال ضعیفه برابر قدم نهاده عالم وجود اولدینی حالده کویا اولجه هر شی بیلش او کرشمش و کندیسنی محافظه و حیاتی ادامه ایچون هر درلو لوازمات بشریه و اسباب تدافعیه سنی احضار ائمش کی دنیا به کلیر کلز بر چوق احتیاجات مبرمه به محکوم اولور .

واقعا فیاض قدرت طرفندن کندیسنه الحسان بیورلمش اولان

بتون سعادت دنیویہ و اخرویہ نائلیدن دها قیتی بر نعمت عظمای بلیور ایدی .

هرکسک شرف و مزیتی ، مرتبه رفقی حفظ ایستدیکی آیات کریمه نك مقداريله تقدیر اولیور ایدی . هر نه وقت مسجد نبوی به کیرسه انده تلاوت قرآن ایله مشغول نیجه اصحاب کرامک زمزمه لطیفه لری سامه نواز اولیور ایدی .

سالم مولی انی حذیفه ، عبده بن مسعود ، ابی بن کعب ، معاذ بن جبل حضرت رسولک شرف دیداريله مشرف اولیان اهل آفاقه ده اصحاب کرامک کزیده قراسندن معلم کوندری بلیور ایدی . اکا بر اصحابدن برچوق ذوات ایسه بتون قرآنی حافظه لرنده جمع ایستدکن بشقه هر درلو مشغولیت واستراحتی ترک ایله آیات جلیله قرآنیه نك مدلول و فیهومنی و بونلردن احکام شرعیه نك صورت استنباطنی اول حضرتدن او کرمکه سی و غیرت ایدیورلر ایدی .

ایشته اصحاب کرامک محیر العتول اولان بوسی و غیرت لری قرآن کریم زمان رسول اللهده بوزلرجه ذوات معالیغایانک حافظه لرینی تربین ایستدی . یعنی بتون قرآن ایشه عدلری بودرجه کثرته بالغ اولان اصحاب پروفا طرفندن از برلندی .

ارحمال نبی متعاقب ظهور ایدن یمامه محاربه سنده اهل اسلام طرفندن شهید اولنلر میاننده یتیم دن زیاده قرآنک یعنی حفاظ کرامک بونغسی زمان رسول اللهده بتون قرآنک نیجه ذوات کرام طرفندن از بر ایدلمش اولدیغنه بیوک بر شاهد عادلر .

حالبوکه بوتلاوت و حفظ قرآن مسئله سی بالکیز زمان نبی به منحصر قالمادی . انک زمان سعادت لرنده عدلری بوزلر بالغ اولان حفاظ کرامدن ماعدا جزیره العربک هر قطعه سنک بتون شهر و کویلرنده ملیونلرجه خاق برچوق سوره لری از بر لرینه آدلری کی خلافت صدیقیه و فاروقیه ده دائرة اسلام بر سرعت فوق العاده ایله توسع ایدنیجه تلاوت و حفظ قرآن مسئله سی دخی اولستبده اهمیتی آرزدی .

اهل اسلام تزايد ایستدکجه عدد حفاظ اولستبده تزايد ایدی . کتاب اللهک حامی اولان مجاهدین عرب آیات قرآنیه بی بحر عماددن قافقاسیه و حبشستاندن مصره قدر ساحه معموره ده نه قدر شهر ، نه قدر کوی وار ایسه جمله شه نشر ایستدیلر .

حضرت عثمان زماننده ایسه حدود چیندن بحر محیط اطلسیه قدر اولان معموره جهانک و دها صوکراری اندلس ایله هندستانک بالجمله مساجدنده بوکتاب کریم اوقونمغه ، از بر لیکه باشلادی . حضرت عثمانک زمان خلافتنده مصاحف شریفه نك عددی بوز

امیر خان جناب لری بوساله سنده [ قرآن مسئله سی ] سرلوحه سی آلتنده قرآن کریمه عائد دعوائی باطنی شوصورتله اثبات ایتک ایستبور : « تحریفات و تغییرات و تبدیلات دکل تورات و انجیلده الاقر آنده دره . یوخصوصده جنابکزه چوق دیه جکمز وار ایسه ده بر نیجه مطلب ایله مختصراً اکتفا ایدرز . اولاً هیچ معلوم دکل که قرآنی کیم جمع ایدی . مسلمان علمالک چوق کونا کون افکار یازدقلری ایچون آشکار اولورکه انلر قرآنک نیجه جمع اولدیغنی بلیورلر . حاکم جناب لری اوز مستدرک کتابنده دیور :

« جمع القرآن ثلاث مرات احدها بحضور النبي الثانية بحضوره ابی بکر والجمع الثالث هو ترتيب السور في زمن عثمان » و براوزکه یرده یازیورلر :

« ابوبکر اول من جمع کتاب الله » و کویا علیده دیوبدر : « اعظم الناس في المصاحف اجراً ابوبکر رحمة لله على ابی بکر هو اول من جمع کتاب الله » .

وعلى خصوصنده دیورلر : « لما كان بعد بيعة ابی بکر قعد على ابن ابی طاب لب في بيته فقيل لابی بکر قد كرم بيعتك فارسل اليه فقال اكرهت بيعتي قال لا واه قال ما قعدك عنى قال رأيت كتاباً يزاد فيه فحدث نفسي ان لا البس روائى الا بصلاة حتى اجمعه قال له ابوبکر فانك نيم ما رأيت » و ابن اشته کتابنده دیور : « اول من جمع القرآن في المصحف سالم مولی ابی حذیفه » و عایشه نك ده ، ابن عباسك ده قرآنی وار ایدی .

امیرخانک مذکور دعوائی باطنی و جه اول ایله استدلالی بوراده نهایت بولای .

امیرخانک بو استدلالنه جوابه شروعدن اول شونی بیان ایدلم که قرآن کریم نبوت محمدیه نك مجزة باهره سی و ادله شرعیه نك اس اساسی اولوب حضرت رسولک هر نازل اولان بر آیت و یا خود بر سوره بی بتون ناسه تبلیغه مأمور اولسی و تلاوت قرآنک افضل عبادات بونغسی و حتی ادا ایدیلر جک هر نمازک هر رکعتنده قرائت قرآنک بتون مسلمانلر فرض عین قلمسی و مشرک لره قارشو قرآن ایله تحدی ایدلسی ، قرآنک مثنای آتیانه مشرک لره دعوت اولغسی کی برچوق اسباب و دعوائی دن ناشی حضرت پیغمبر افندیمز کندیسنه هر نه زمان بر آیت و یا بر سوره نازل اولسه همان او آیت و سوره بی امته تبلیغ و تعلم ایدیور و آره صره منکر لری دخی قرآن کریم ایله معارضه یه دعوت ایلور و بر طرفندنده « خیرکم من تعلم القرآن و علمه » کی نیجه احادیث شریفه سیله امتی تعلم و تعلم قرآنه تشویق و ترغیب ده بولنیور و بناء علیه ائمه اصحابدن طوتده اک دون مرتبه ده کی افراد امته وار نیجه یه قدر ارکاک ، قادین ، چولوق چوجوق ، هرکس پیدر بی نازل اولان آیات کریمه بی تلاوت و حفظ ایتکی



بیکن و حفاظ کرامت عددی بر قاج یوز بیکنن اکسیک دکل ایدی. حالبوکه او زمان مسلمانن بتون فتوحات ایله مشغول ایدیله. ادوار فتوحاتدن سوکرا ایسه کتاب الهی حفظ و تعمیم ایچون دها زیاده اعتنا ایلدی. حفاظت عددی خاطر و خیاله صیغیمه جق درجه ده جوغالدی. بتون معارف اسلامیه تلاوت و حفظ قرآن اساسنه ابتناء ایلدی. نتهکیم زمانمزه دخی بوبله در.

الحاصل قرآنی حضرت رسولدن اخذ و تلقی ایله زمانمزه قدر امتداد ایلوبده هیچ بر وقته منقطع اولیان سلسله رواتک هر عصرده بر حلقه سنی تشکیل ایدن عدد حفاظ او عصرک نفوس اسلامیه سی نسبتده جوغالدی.

حتی بوکون دخی کره ارض اوزرنده موجود اهالی اسلامیه میاننده ارکک و قادیندن، بیوک و کوچکن بتون قرآنی از برلش عدد حفاظت لا اقل اوچوز بیکه بالغ اولدیغی ادعا ایدرایسهک اصلا مبالغه ایتمش و بلکه ده نقصان سولش اولورز.

بیک اوچوز بو قدر سنه دنبری بلاد اسلامیه تک هر طرفه انتشار ایلوبده ایادی اهل اسلامده تداول و بوکون عددلری میلیونلری تجاوز ایلیان مصاحف شریفه تک یکدیگرینه بر کله ده بیله مخالف اولماسی و بونلرک تحریف و تبدیلدن بالکلیه مصون قالسی دخی ایشته بویه من القیم قرآن کریمک عددلری عدو احصادن خارج حفاظ کرامت قلوبنده حفظ اولنه کلسی سایه سننده در. یوقسه مجرد مصاحف شریفه. یازلمش اولماسی سایه سننده دکلدن.

اگر قرآن کریمک عموم مسلمانن طرفدن تلاوتی بر عبادت مستقله اولسه وانک اونه دنبری قلوب امتده حفظه اهتم ایلبوبده مجرد مصاحفده یازلمش اولسی ایله اکتفا اولنسه ایدی احتمالکه قرآن کریم بویه تحریف و تبدیلدن بالکلیه مصون قاله من و محافظه ایلبوبده مزیدی.

ننهکم ایشته تورات و انجیل محافظه اولنه مادی. چونکه انلر بزم قرآن کبی از بر ایلبوبده. زمان نزوللرندن اعتباراً هیچ بر زمانده هیچ بر برده هیچ بر کسه تک حافظه سنی ترین ایده مدی. زیرا عموم یهود و نصارا او کتابلری تلاوت و حفظه مأمور دکلدن ایدی. آحاد ناس انلری اللرینه بیله آله مازلردی. تورات نابوت سکینه ایچنده محفوظ ایدی.

حتی حضرت موسی علیه السلام توراتی هریدی سنه ده بردفمه بیرام کوننده نابوت سکینه دن چیقاروب بنی اسرائیل جماعته او قوملرینی وینه نابوت سکینه تک ایچنه قویه رق اوراده حفظ ایتملرینی یوشع علیه السلام ایله بنی لوی کاهنلرینه امر اییدی [۱].

[۱] سفر ملوک اولک ۶ نجی بابنه باقی.

یهودیلرک توراتی او قومسی شوبله طورسون ایچنده محفوظ بولندیردقلری نابوت سکینه تک یانه واروبده قباغنی قالدیرمق بیله نیلردن، کاهنلردن بشقه کسه تک حدی دکل ایدی. چونکه آحاد ناسدن آنک قباغنی قالدیروب ایچنه باقان اولیور ایدی.

توراتک بیساننه کوره بر اراق فلسطیلر نابوت سکینه بی آلوب کورتورمشلر ایدی. سوکرا حضرت داود زماننده بوتابوت استرداد اولنوب بنی اسرائیله کتیرلیدیکی زمان بونک قباغنی قالدیروب ایچنه باقارق وفات ایدنلرک عددی آلی بیک کشی به بالغ اولدی.

انجیله کلنجه بوده حفظ ایلبوبده مدی. چونکه مسیحیلرده تلاوت و حفظ کتاب خصوصنده یهودیلرله همحال ایدیله. زیرا آنلرک دخی عوامی و حتی رهبان گروهی شوبله دورسون حواریونک بیله از بر ایتمش اولدقلرینه دائر هیچ بر کتابده هیچ بر قیده تصادف ایلبوبده مدی.

فقط جناب حق قرآنک قیامته قدر بقاسنی، حفظی وعد بیورمش اولدیغندن قرآنک نزولیه اهل اسلام طرفدن تلاوت و حفظی عین زمانده باشلا یه رق عصر سعادتن اعتباراً هر عصرده قرآنی حفظ ایدنلرک عددی حد تواترک مرتبه قصواسنه بالغ اولمش و بو تواترک بر مثل دها کورلمه مش در. ایشته قرآن کریم شمعی به قدر بویه مسلسل و متصل لایمده و لایحی حفاظت قلوبنده حفظ ایلبوبده کلش و بومنوال اوزره الی نهایه حفظ ایله چکی دخی قطعاً اکلشلمشدرکه «انا نحن نزلنا الذکر و اناله لحافظون» ایت کریمه سی منطوق منیفجه قرآن کریمک قیامته قدر حفظ و امان الهیده بولنسنک معناسی دخی بودر.

ما بعدی وار  
موسی کاظم

اشرف [۱]

— ۱ —

جهانلردن بیوک بر نورسک آفاق خلقتده  
سمای بی نهایتسک جهان آدمیتده  
او هر بر ساحهک قطعهک نظرکاه حقیقتده  
ضیالردرکه دوغمشدر صباح سرمدیتده  
مشاعلدرکه یاغمشدر کنار قبر ملتده

— ۲ —

سنوحاتک بوتون فریاد مظلومینه بکزرده  
چیقوب مولایه وارمش قلامشدر هیچ برلرده

[۱] «حسجال» و «دجال» عنوانلی اثر معظملرک صاحبی.